



**•KOMUNALNO•
BREZA**

JAVNO PREDUZEĆE

KOMUNALNOd.o.o.

ul.ZAVNOBiH-a br.6 71 370 Breza
Tel:+387 32 783 491, fax:+387 32 783 615

PDV: 218087170004, ID:4218087170004, Por.br.01000312, Općinski sud Zenica br.rj.U- I2109/05

Broj: 3264/18
Breza, 19.10.2018. godine

- ❖ Općina Breza – n/r Općinski načelnik
- ❖ Općinsko vijeće Breza – n/r Predsjedavajući OV
- ❖ Direktori škola, Doma zdravlja, Biblioteke
- ❖ Radio Breza

PREDMET: Isporuka toplotne energije, informacija, dostavlja se.-

Poštovani,

Svjedoci smo da već peti dan „proizvođač“ toplotne energije ZD Rudnik mrkog uglja Breza doo ne isporučuje toplotnu energiju korisnicima preko „distributera“ JP Komunalno doo Breza. Javnost želimo da upoznamo da su od strane JP Komunalno doo Breza ispunjeni svi uslovi da se toplotna energija može dovesti do krajnjih korisnika, i to kako slijedi:

- Izmirena su novčana dugovanja prema ZD Rudnik mrkog uglja „Breza“ doo u ukupnom iznosu od **251.162,66 KM** (Prilog akt JP Komunalno doo)
- Traženo od ZD Rudnik mrkog uglja Breza doo da se zaključi ugovor za grejnu sezonu 2018/2019 sa potrebnim količinama toplotne energije (Prilog akt JP Komunalno doo Breza)
- Poslat primjerak potpisanog Ugovora za isporuku toplotne energije za novu grejnu sezonu (Prilog: zadnja strana Ugovora)
- Izvršene sve tehničke pripreme u podstanicama i unutarnjim instalacijama za nesmetan protok toplotnog medija do krajnjih korisnika

Na našu žalost, ZD Rudnik mrkog uglja Breza doo nije počeo sa grijanjem 15.10.2018. godine, ne obavještavajući iz kojih razloga to nije uradio.

Dana 16.10.2018. godine (utorak), na radnom sastanku u prostorijama ZD Rudnika mrkog uglja Breza doo, rečeno nam je da Rudnik Breza želi da poveća cijenu za 3%, ali da nebi škole, dom zdravlja i sami građani ostali bez grijanja dogovoreno je da se krene sa isporukom toplotne energije tako što će JP Komunalno doo Breza dostaviti Narudbenu za 100 MWh energije (što je dovoljno za 10 dana grijanja), a da paralelno Rudnik sačini novi Ugovor sa uvećanom cijenom koja bi se usaglasila u tih 10 dana (Prilog Narudbenica).

Međutim ZD Rudnik mrkog uglja nije ispoštovao ovaj dogovor i nije pustio grijanje nakon ovog dogovora. Naprotiv, dana 17.10.2018. godine na protokol JP Komunalno doo Breza pristigao je

novi Ugovor o isporuci toplotne enrgije, sa cijenom uvećanom, ne za 3 % nego za 10%, što sa prošlogodišnjim uvećanjem cijene ukupno iznosi 22,8% .

Napominjemo da se shodno „Uslovima za isporuku i preuzimanje toplotne energije iz vrelovodne mreže“ cijena toplotne energije može povećati samo u slučajevima povećanja cijena energenata uglja i/ili el. energije, što ovoga puta nije bio slučaj, te su navedena dva povećanja nepotrebna i nezakonita. JP Komunalno Breza nije vršilo povećanje cijena prema građanima, niti pravnim licima u posljednje dvije godine, niti je izvršena bilo kakva subvencija nastalih troškova zbog povećane cijene.

Ono što je posebno zabolilo Upravu i sve uposlene u JP Komunalno Breza jeste pismeno obraćanje direktora ZD Rudnik mrkog uglja Breza Osnovnoj školi „Safvet beg Bašagić“, u kojem stoji da je krivac zbog kojeg nema grijanja JP Komunalno, navodno zbog neizmirenih dugovanja.

Odgovorno tvrdimo da se radi o manipulaciji, da smo sravnili finansijske kartice i dogovorili sa Rudnikom isporuku 100 MWh toplotne energije i da je grijanje trebalo početi istog trenutka, tj 16.10.2018. godine.

Na kraju, molimo sve građane da ispravno razumiju nastalu situaciju, da nenasjedaju na neosnovane priče i insinuacije pojedinaca i grupacija koji u ovome teškom vremenu koriste ovakve (ne)prilike za ličnu promociju i populizam.

Očekujemo da će danas Nadzorni odbor JP Komunalno prihvatiti novo povećanje cijene toplotne energije, pa makar i na našu štetu, te da će se situacija popraviti u budućnosti.

Hvala na strpljenju !

S poštovanjem,

Prilog:Kao u tekstu

Dostavljeno:
1 x Naslov,
3 x Nadzorni odbor
1 x a/a



Direktor

Hadziahmetović Enver, dipl.ing.maš.